

SAMOA

Faatulagaina o Aiaiga

- | | |
|---------------------------------|---|
| 1. Igoa puupuu ma le amataga | 4. Tulafono masani ina ia faaaogaina |
| 2. Tulafono e noatia ai le Malo | 5. Faatapulaaina o Fua Faatatau o Tupe Tului o Faasalaga. |
| 3. Faaaogaina | |

1998, Nu. 15**O SE TULAFONO e faia ai aiaiga e faatatau i le faaaogaina o fua faatatau o tupe tului o faasalaga i konekarate.***(19 Iuni 1998)*

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Fua Faatatau o Tupe Tului o Faasalaga 1998.

(2) O lenei Tulafono e tatau ona faamamaluina i le aso ua tuuina i ai le maliega a le Ao o le Malo, ma ina ia tusa ai ma le fuaiupu 3 e tatau ona i ai ni ona aafiaga a o faagasolo mai i le taimi ua tuana'i.

2. Tulafono e noatia ai le Malo - O lenei Tulafono e tatau ona noatia ai le Malo ma e tatau ona faaaogaina faatatau i konekarate e faapea o le Malo po o so o sana sooupu o se vaega faakonekarate.

3. Faaaogaina-(1) I le noatia ma le fai fuafua i le faafuaiupu (2), o lenei Tulafono e tatau ona faaaogaina i konekarate uma e ulufale mai i totonu o Samoa a o lumanai po ua tuanai foi le aso e faamamaluina ai lenei Tulafono.

(2) O lenei Tulafono e leai so na faaaogaina e faatatau i se konekarate e tusa ai e faapea ua faia i ai e le Faamasinoga se faaiuga mausali i aia a vaega faakonekarate.

(3) Mo le faamoemoe o le faafuaiupu (2), e leai se faaiuga mausali e tatau ona avea e faapea ua faia seia vagana ua faamutaina aia tatau e talosaga ai mo se toe iloiloga, pe e taofia mai ai i le faaaluina o le taimi e tusa ai ma le tulafono.

(4) O lenei Tulafono e le faaaogaina i se konekarate, o lona faamoemoe autu e faapea o le nonoina atu o tupe.

4. Tulafono masani ina ia faaaogaina - O faavae autu o tulafono masani o lo o tuuina atu ai se tulaga le faamalosiā o so o se aiaiga tau faasalaga i so o se konekarate e tatau ona faaaogaina pe a fai o se konekarate o lo o faamatalaina ai e faapea o se tupe tului tau faasalaga e totogiina i luga o tupe e le i totogiina atu i le konekarate.

5. Faatapulaaina o Fua Faatatau o Tupe Tului o Faasalaga-(1) A fai o se konekarate o lo o faamatalaina ai lena faasalaga tau tupe tului e totogiina mai tupe e le i totogiina atu i le konekarate, o lea aiaiga o le a le mafai ona faamalosiā i lona tulaga lautele e faapea o le fua faatatau o tupe tului tau faasalaga i lalo o le konekarate e sili atu i le 14% i le tausaga po o se isi fuainumera e pei ona ono faatonuina e le Tulafono Faatonutonu.

(2) O Tulafono Faatonutonu ua faia i lalo o le faafuaiupu (1) e mafai ona faatonuina ai ni fua faatatau eseese o tupe tului tau faasalaga mo ituaiga eseese o konekarate po o gaoioiga fai i lalo o se konekarate.